

Denen Edlen/ Gestrengen vnd Ehrenvesten
 Abrahamo von Einsidel vff Lieffenaw ꝛ.
 Heinrichen von Bienaw vff Tröben vnd ꝛ.

Vnd dann auch
 Moriz Christoffen von Ganiz vff Dreben/ ꝛ.

Meinen großgünstigen Juncfern/ Patronen vnd geneigten Förderern/ wünsch ich

Von Gott dem Höchsten den ewigen Friede vnd Freude im heiligen Geiste/ durch Christum das Wort des Lebens/ welchen Friede die Welt nicht geben kan/ der sey mit/ bey vnd in vns ewig/ Amen.

Gestrenge / Edle vnd Ehrenveste / Große
 gunstige Juncfern vnd geneigte Förderer / PLATO der
 Weltweise Mann / hat gar weißlich/ recht vnd wol geredet / es hette Gott der Allmächtige der Menschen gleichsam zweene Flügel mitgetheilet / so da weren Geometria vnd Arithmetica, darmit man sich gleich auß dem vntersten Element der Erden köndte erheben / vnd in den hohen Himmel hinauff schwüngen/ vnd sich daselbsten wunderbarer dinge ex Astronomia vnd löblichen Stern kunst erkündigen / wie denn dieses auch kein Verständiger leugnē kan/ daß dieses herrliche Studium der Edlen Kunst Astronomia nicht grossen / vnd fast vnaußsprechlichen Nutzen haben solte. Aber wie dem allen/ wie hoch/ nützlich vnd löblich diese Kunst Astronomia auch sey/ so erlanget sie doch höhern Titul nicht/ denn daß sie per se auff solche weise betrachtet/ vnd von der H. Schrift/ der himlischen Astronomia abgesondert/ eine Kunst sey der Heyden. Hergegen so wir das vntere vnd obere zusammen nehmen/ vnd in eine Vergleichung bringen/ so mögen die new gebornen Christen / viel ein mehrers vnd warhafftigers sehen vnd erkennen/ denn sonst allen Astronomis, wie hoch sie auch fliegen mit ihren alas, möglich seyn mag. In der H. Schrift werden viel mystische ge
 A II heime